

नारायण आया पावणा,
छोरिया म्हारी गाओ ये,
बजाओ गढ़ की गुजरिया,
म्हारा नारायण का गाओ मंगला चार,
म्हारे देव पधारिया पावणा ॥

थाने धन्य धन्य म्हारी,
मालासेरी डुंगरिया,
वठे जन्मिया जन्मिया,
त्रिलोकी का नाथ,
नारायण आया पावना,
परमेश्वर आया पावणा ॥

सैया मारी कंकर फुटिया,
कवल निकल्या,
ये तो कवला में,
लियो अवतार,
नारायण आया पावना,
परमेश्वर आया पावणा ॥

देवजी जन्मते बाज्या,
चंग ढोलडा,
या तो महला में,

बाजी सोवन ताल,
नारायण आया पावना,
परमेश्वर आया पावणा ॥

हीरा म्हारी पीली गोबर,
की देदे गुंरली,
हीरा म्हारी मोतियाँ का,
चोक पुरायनारायण,
नारायण आया पावना,
परमेश्वर आया पावणा ॥

हीरा म्हारी जाओ जोशी ने,
बेगो बुलावज्यो,
म्हारा नारायण को,
निकलवा लेवा नाम,
नारायण आया पावना,
परमेश्वर आया पावणा ॥

जोशी जूना पुराना,
काड़ो टिपणा,
म्हारा उदल को,
कडवा लेवो नाम,
नारायण आया पावना,
परमेश्वर आया पावणा ॥

नारायण पीरु भोपा की,
सुणज्यो विनती,

देव जी गावे गावे,
थांका गुण गान,
भक्ता ने लजिया राक ज्यो,
नारायण आया पावना,
परमेश्वर आया पावणा ॥

देव जी चम्पा लाल,
शरण मे आवयो,
देव जी नित उठ देवे,
चरणा माये धोक,
वांकी नैया पार लगावज्यो,
नारायण आया पावणा,
परमेश्वर आया पावणा ॥

प्रजापति म्यूजिकल ग्रुप,
चम्पा लाल प्रजापति,
89479-15979

Source: <https://www.bharattemples.com/narayan-aaya-pawna-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>